

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

RJEŠENJE

Prijava koncentracije privrednih subjekta

"Mlijekoprodukt" d.o.o. Kozarska Dubica i "Natura-Vita" d.o.o. Blatnica-Teslić

Sarajevo,
avgust 2012. godine



Broj: 02-26-1-06-13-II/12
Sarajevo, 7.8.2012. godine

Na osnovu člana 25. tačka e) i člana 42. stav (1) tačka d), a u vezi s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije podnesenoj od privrednog subjekta Društvo sa ograničenom odgovornošću za proizvodnju "Mlijekoprodukt" Kozarska Dubica, Vrioci bb, 79240 Kozarska Dubica, putem opunomoćenika privrednog subjekta LOK, Institut za organizaciju i ekonomiku d.o.o. Sarajevo, Skenderija 13, 71000 Sarajevo, zaprimljenoj dana 18.6.2012. godine pod brojem: 02-26-1-06-II/12, Konkurencijsko vijeće Bosne i Hercegovine, na 40. (četrdesetoj) sjednici održanoj dana 7.8.2012. godine, donijelo je

R J E Š E N J E

1. Ocjenjuje se dopuštenom koncentracija na tržištu proizvodnje i distribucije mlijeka i mliječnih proizvoda na teritoriji Bosne i Hercegovine, koja će nastati sticanjem kontrole privrednog subjekta Akcionarsko društvo industrija mleka i mlečnih proizvoda "Imlek", Industrijsko naselje bb, Padinska Skela, 11000 Beograd, Republika Srbija, i privrednog subjekta Društvo sa ograničenom odgovornošću za proizvodnju "Mlijekoprodukt" Kozarska Dubica nad privrednim subjektom Društvo sa ograničenom odgovornošću za proizvodnju i usluge "NATURA-MILK" Slatina-Teslić, Slatina bb, 74270 Teslić, Bosna i Hercegovina, kupovinom 100,0% vlasničkih udjela od privrednog subjekta Društvo sa ograničenom odgovornošću za proizvodnju i usluge "NATURA-VITA" Blatnica-Teslić, Blatnica bb, 74270 Teslić.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 18.6.2012. godine pod brojem: 02-26-1-06-II/12, zaprimilo Prijavu koncentracije (u daljem tekstu: Prijava) privrednog subjekta Društvo sa ograničenom odgovornošću za proizvodnju "Mlijekoprodukt" Kozarska Dubica, Vrioci bb, 79240 Kozarska Dubica (u daljem tekstu: Podnosilac prijave ili "Mlijekoprodukt" d.o.o. Kozarska Dubica), podnesenu putem opunomoćenika privrednog subjekta LOK institut za organizaciju i ekonomiku d.o.o. Sarajevo, Skenderija 13, 71000 Sarajevo (punomoć izdata dana 15.6.2012. godine broj: II-1005/12 od privrednog subjekta "Mlijekoprodukt" d.o.o. Kozarska Dubica), kojom privredni subjekt Akcionarsko društvo industrija mleka i mlečnih proizvoda "Imlek", Industrijsko naselje bb, Padinska Skela, 11000 Beograd, Republika Srbija (u daljem tekstu: "Imlek" a.d. Beograd) , i privredni subjekt "Mlijekoprodukt" d.o.o. Kozarska Dubica (povezano društvo privrednog subjekta "Imlek" a.d. Beograd), namjeravaju steći kontrolu nad privrednim subjektom Društvo sa ograničenom odgovornošću za proizvodnju i usluge "NATURA-MILK" Slatina-Teslić, Slatina bb, 74270 Teslić, Bosna i Hercegovina (u daljem tekstu: "Natura-Milk" d.o.o. Slatina-Teslić) kupovinom 100,0% vlasničkih udjela od privrednog

subjekta Društvo sa ograničenom odgovornošću za proizvodnju i usluge "NATURA-VITA" Blatnica-Teslić, Blatnica bb, 74270 Teslić (u daljem tekstu: "Natura-Vita" d.o.o. Blatnica-Teslić).

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. stav (1) Zakona o konkurenciji (u daljem tekstu: Zakon), i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekta («Službeni glasnik BiH», broj 34/10), te je zatražilo dopunu iste u skladu s članom 31. Zakona, aktom broj: 02-26-1-06-3-II/12 od dana 3.7.2012. godine.

Podnosilac prijave je dostavio traženu dokumentaciju dana 5.7.2012. godine, podneskom broj: 02-26-1-06-6-II/12.

Nakon kompletiranja Prijave Konkurencijsko vijeće je, u skladu s članom 30. stav (3) Zakona, izdalo Potvrdu o prijemu kompletne i uredne Prijave, broj: 02-26-1-06-7 -II/12 dana 17.7.2012. godine.

Podnosilac prijave, u skladu s članom 30. stav (2) Zakona, je naveo da zahtjev za ocjenu koncentracije nije podnio niti ima namjeru podnijeti nadležnim tijelima za zaštitu tržišne konkurencije izvan teritorije Bosne i Hercegovine.

Konkurencijsko vijeće je, u skladu s članom 16. stav (4) Zakona, izdalo Obavještenje o dostavljenoj Prijavi broj: 02-26-1-06-8-II/12 od dana 17.7.2012. godine, koje je u u dnevnoj štampi objavljeno dana 19.7.2012. godine, i pozvalo sve zainteresovane strane na dostavljanje pisanih komentara o namjeravanoj koncentraciji. Na predmetno Obavještenje nisu dostavljeni komentari zainteresovanih strana.

Konkurencijsko vijeće u postupku ocjene predmetne koncentracije od Podnosioca prijave je tražilo dopunu dokumentacije i podataka (ukupan prihod povezanih društava), aktom broj: 02-26-1-06-10-II/12 dana 30.7.2012. godine, koji je dostavio podneskom broj: 02-26-1-06-11-II/12 dana 20.7.2012. godine i podneskom broj: 02-26-1-06-12-II/12 dana 31.7.2012. godine.

Uvidom u podnesenu Prijavu, Konkurencijsko vijeće je utvrdilo da je ista podnesena u zakonskom roku, u skladu s članom 16. stav (1) Zakona.

Konkurencijsko vijeće je u postupku ocjene predmetne koncentracije utvrdilo slijedeće činjenice:

1. Učesnici predmetne koncentracije

Učesnici koncentracije su privredni subjekt Akcionarsko društvo industrija mleka i mlečnih proizvoda "Imlek", Industrijsko naselje bb, Padinska Skela, 11000 Beograd, Republika Srbija, privredni subjekt Društvo sa ograničenom odgovornošću za proizvodnju "Mlijekoprodukt" Kozarska Dubica, Vrioci bb, 79240 Kozarska Dubica, Bosna i Hercegovina, privredni subjekt Društvo sa ograničenom odgovornošću za proizvodnju i usluge "NATURA-MILK" Slatina-Teslić, Slatina bb, 74270 Teslić, Bosna i Hercegovina, privredni subjekt Društvo sa ograničenom odgovornošću za proizvodnju i usluge "NATURA-VITA" Blatnica-Teslić, Blatnica bb, 74270 Teslić.

1.1.Privredni subjekt "Imlek" a.d. Beograd

Privredni subjekt Akcionarsko društvo industrija mleka i mlečnih proizvoda "Imlek", Industrijsko naselje bb, Padinska Skela, 11000 Beograd, Republika Srbija, upisan je u Registar privrednih subjekta u Beogradu pod brojem registarskog uloška: 1-2151-00, osnovan dana 12.3.1991. godine i sa upisanim osnovnim kapitalom od (..)*¹ KM (..)*, sa (..)*% vlasničkih udjela u osnovnom kapitalu privrednog subjekta privredni subjekt "Danube Foods Group B.V." Polarisavenue 45, Hoofddorp, Holandija.

Pretežne registrovane djelatnosti privrednog subjekta "Imlek" a.d. Beograd su proizvodnja mlijeka i mliječnih proizvoda.

Privredni subjekt "Danube Foods Group B.V" ima povezani privredni subjekt "Danube Foods" d.o.o. za savjetovanje u vezi sa poslovanjem i upravljanjem Banja Luka, Mladena Stojanovića 28, 78000 Banja Luka.

1.1.1. Povezana društva privrednog subjekta "Imlek" a.d. Beograd u Bosni i Hercegovini

1.1.1.1. Privredni subjekt "Mljekara" a.d. Aleksandrovac

Privredni subjekat Društvo za proizvodnju mliječnih proizvoda "Mljekara" a.d. Aleksandrovac, Ljevičanski put bb, Aleksandrovac, Laktaši, upisan je u sudski registar Okružnog privrednog suda u Banjoj Luci pod brojem 1-71-00 (JIB: 4400910840005) s ukupnim osnivačkim kapitalom (..)* KM, sa (..)*% vlasničkih udjela u osnovnom kapitalu privrednog subjekta "Imlek" a.d. Beograd (prema podacima Centralnog registra hartija od vrijednosti a.d. Banja Luka).

Pretežne registrovane djelatnosti privrednog subjekta "Mljekara" a.d. Aleksandrovac su proizvodnja mlijeka i mliječnih proizvoda (u 2011. godini nema proizvodnje).

1.1.1.2. Privredni subjekt "East Milk" d.o.o. Sarajevo

Privredni subjekt "East Milk" d.o.o. za preradu mlijeka i proizvodnju mliječnih proizvoda, Sarajevo, Rakovička cesta 78, 71000 Sarajevo, upisan je u Općinskom sudu u Sarajevu pod brojem 65-01-0509-10 (stari broj: 1-26001), ugovorni upisani kapital (..)* KM (uplaćeni kapital (..)*), i sa (..)*% vlasničkih udjela u osnovnom kapitalu privrednog subjekta "Imlek" a.d. Beograd.

Pretežne registrovane djelatnosti privrednog subjekta "East Milk" d.o.o. Sarajevo su proizvodnja i prerada mlijeka i mliječnih proizvoda (u 2011. godini nema proizvodnje).

1.2. Privredni subjekt "Mlijekoprodukt" d.o.o. Kozarska Dubica

Privredni subjekt Društvo sa ograničenom odgovornošću za proizvodnju "Mlijekoprodukt" Kozarska Dubica, upisan je u registar privrednih subjekta Okružnog privrednog suda u Banjoj Luci pod brojem 1-9244-00 (JIB: 440073779005), sa osnovnim upisanim kapitalom od (..)* KM.

¹ (..)* - Podaci predstavljaju poslovnu tajnu

Vlasnička struktura privrednog subjekta "Mlijekoprodukt" d.o.o. Kozarska Dubica:

Tabela 1.

R.b.	Naziv privrednog subjekta	Udio (%)	Udio KM
1.	"Mljekara" a.d. Aleksandrovac, Bosna i Hercegovina	(..)* ²	(..)*
2.	"Imlek" a.d. Beograd, Republika Srbija	(..)*	(..)*
	UKUPNO	100,0	(..)*

Izvor: podaci iz Prijave

Pretežne registrovane djelatnosti privrednog subjekta "Mlijekoprodukt" d.o.o. Kozarska Dubica su proizvodnja mlijeka i mliječnih proizvoda.

Privredni subjekt "Mlijekoprodukt" d.o.o. Kozarska Dubica distribuciju proizvoda vrši preko pet centara - Sarajevo, Mostar, Široki Brijeg, Tuzla, Banja Luka i Laktaši.

1.3. Privredni subjekt "Natura-Vita" d.o.o. Blatnica-Teslić

Privredni subjekt Društvo sa ograničenom odgovornošću za proizvodnju i usluge "NATURA-VITA" Blatnica-Teslić, upisan je u registar privrednih subjekata Okružnog privrednog suda u Doboju pod brojem: 60-01-0119-12 (JIB: 4400098250002), sa upisanim osnovnim kapitalom od (..)* KM, s (..)*% vlasničkih udjela fizičkog lica Đurić Vlade, Mladikovine bb, Mladikovine, Bosna i Hercegovina.

Pretežne registrovane djelatnosti privrednog subjekata "Natura-Vita" d.o.o. Blatnica-Teslić su proizvodnja mlijeka i mliječnih proizvoda.

1.4. Privredni subjekt "Natura-Milk" d.o.o. Slatina-Teslić (predmet koncentracije)

Privredni subjekt Društvo sa ograničenom odgovornošću za proizvodnju i usluge "NATURA-MILK" Slatina-Teslić, Slatina bb, 74270 Teslić, Bosna i Hercegovina, upisan je u registar privrednih subjekata Okružnog privrednog suda u Doboju pod brojem; 60-01-0126-12 dana 24.5.2012. godine (JIB: 4403449000007), sa osnovnim kapitalom od (..)* KM, s (..)*% vlasničkih udjela privrednog subjekata "NATURA-VITA" d.o.o. Blatnica-Teslić.

Pretežne registrovane djelatnosti privrednog subjekata "Natura-Milk" d.o.o. Slatina-Teslić su proizvodnja mlijeka i mliječnih proizvoda.

2. Obaveza prijave koncentracije

U skladu sa članom 14. stav (1) Zakona, obaveza prijave koncentracije postoji kada učesnici koncentracije prodajom roba i/ili usluga ostvare na svjetskom tržištu 100 miliona KM po završnom računu u godini koja je prethodila koncentraciji, kada ukupni godišnji prihodi svakog od najmanje dva privredna subjekata učesnika koncentracije ostvareni prodajom roba i /ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

² (..)*-Podaci predstavljaju poslovnu tajnu

Ukupni ostvareni godišnji prihodi učesnika koncentracije (i povezanih društava), na dan 31.12.2011. godine:

Tabela 2.

(KM)	"Mlijekoprodukt" d.o.o. Kozarska Dubica	"Natura-Vita" d.o.o. Blatnica-Teslić	"East Milk" d.o.o. Sarajevo	"Mljekara" a.d. Aleksandrovac	"Imlek" a.d. Beograd
BiH	(..)* ³	(..)*	*	*	
Svijet	(..)*	(..)*	-	.	(..)*
Ukupno	(..)*	(..)*	-	-	

Izvor: podaci iz Prijave; *podaci o ukupnom prihodu nisu ostavareni prodajom relevantnih proizvoda (prihod od zakupa prostora)

Na osnovu navedenih podataka učesnici koncentracije su ispunili uslov ukupnog ostvarenog godišnjeg prihoda, u smislu člana 14. stav (1) Zakona, te su obavezni podnijeti Prijavu (Tabela 2).

Godišnji prihodi učesnika koncentracije (i povezanih društava) predstavljaju ukupne prihode (bez poreza na dodanu vrijednost i drugih poreza), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekta.

3. Pravni okvir ocjene koncentracije

Konkurencijsko vijeće je u provođenju postupka ocjene predmetne koncentracije primjenilo odredbe Zakona, Odluke o načinu podnošenja prijave i kriterijima za ocjenu koncentracije privrednih subjekta („Službeni glasnik BiH“, broj 34/10) i Odluke o utvrđivanju relevantnog tržišta «Službeni glasnik BiH», br. 18/06 i 34/10) i Odluke o definisanju kategorija dominantnog položaja «Službeni glasnik BiH», br. 18/06 i 34/10).

Konkurencijsko vijeće je, na osnovu člana 43. stav (7) Zakona, koristilo sudsku praksu Evropskog suda i odluke Evropske komisije, kao i kriterije i standarde iz Obavijesti Evropske Komisije o izračunu ukupnog prihoda u skladu s Uredbom Vijeća (EEZ) broj: 4064/89 o kontroli koncentracije privrednih subjekta.

4. Pravni osnov i oblik koncentracije

Kao pravni osnov ove koncentracije Podnosilac prijave je dostavio:

- „Ugovor o prenosu udjela“ (u daljem tekstu: Ugovor I) zaključen dana 4.6.2012. godine u Banjoj Luci, između privrednog subjekta "Natura-Vita" d.o.o. Blatnica-Teslić (kao prodavca) i 100,0% vlasnika privrednog subjekta "Natura-Milk" d.o.o. Slatina-Teslić, i privrednog subjekta "Mlijekoprodukt" d.o.o. Kozarska Dubica (kao kupca) koji ima namjeru steći 70,0% vlasničkih udjela u privrednom subjektu "Natura-Milk" d.o.o. Slatina-Teslić;
- „Ugovor o prenosu udjela“ (u daljem tekstu: Ugovor II) zaključen dana 4.6.2012. godine u Banjoj Luci, između privrednog subjekta "Natura-Vita" d.o.o. Blatnica-Teslić (kao prodavca) i 100,0% vlasnika privrednog subjekta "Natura-Milk" d.o.o. Slatina-Teslić i privrednog subjekta "Imlek" a.d. Beograd (kao kupca) koji ima namjeru steći 30,0% vlasničkih udjela u privrednog subjekta "Natura-Vita" d.o.o. Slatina-Teslić.

³ (..)*- Podaci predstavljaju poslovnu tajnu

Sastavni dio Ugovor I i Ugovor II, pored ostalog, su i Lista ugovora sa dobavljačima sirovog mlijeka, kao i Lista stvari koje se prenose sa privrednog subjekta "Natura-Vita" d.o.o. Blatnica-Teslić na privredni subjekt "Natura-Milk" d.o.o. Slatina-Teslić, što znači da će privredni subjekt "Imlek" a.d. Beograd i povezano društvo privredni subjekt "Mlijekoprodukt" d.o.o. Kozarska Dubica postati 100,0% vlasnici privrednog subjekta "Natura-Milk" d.o.o. Slatina-Teslić (što uključuje i preuzimanje svih dobavljača sirovog mlijeka, kao i stvari (opreme).

Konkurencijsko vijeće je prihvatilo Ugovor I i Ugovor II, kao pravni osnov u smislu člana 9. stav (1) tačka f) linija 7. Odluke o načinu podnošenja prijave i kriterijima za ocjenu koncentracije privrednih subjekta.

U skladu sa naprijed navedenim, a na osnovu člana 12. stav (1) tačka b) pod 1. Zakona, pravni oblik koncentracije je sticanje kontrole jednog privrednog ili više privrednih subjekta (privrednog subjekta "Imlek" a.d. Beograd zajedno s povezanim društvom privrednim subjektom "Mlijekoprodukt" d.o.o. Kozarska Dubica) nad drugim privrednim subjektom (privrednim subjektom "Natura-Milk" d.o.o. Slatina-Teslić) kupovinom većinskog udjela osnovnog kapitala.

5. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Uzimajući u obzir pretežne registrovane djelatnosti učesnika koncentracije, relevantno tržište proizvoda i/ili usluga u konkretnom slučaju je tržište proizvodnje i distribucije mlijeka, mliječnih proizvoda.

Uzimajući u obzir da učesnici koncentracije djeluju na cijeloj teritoriji Bosne i Hercegovine, odnosno da distribuiraju svoje proizvode na tržištu Bosne i Hercegovine putem distributivne mreže, relevantnim tržištem u geografskom smislu smatrat će se tržište Bosne i Hercegovine.

Slijedom navedenog, pod relevantnim tržištem predmetne koncentracije smatrat će se tržište proizvodnje i distribucije mlijeka, mliječnih proizvoda i sira na teritoriji Bosne i Hercegovine.

6. Analiza relevantnog tržišta koncentracije

Ukupna proizvodnja mlijeka (UHT sterilizirano i pasterizirano mlijeko) i mliječnih proizvoda (jogurt i napitci; pavlaka i proizvodi na bazi pavlake; svježi i slični sirevi) u 2011. godini:

Tabela 3.

R.b.	Privredni subjekt	Mlijeko		Jogurt i napitci		Pavlaka i proizvodi		Svježi sirevi	
		Količina (000) lit.	Udio %	Količina (000) lit.	Udio %	Količina (000) lit.	Udio %	Količina (000) lit.	Udio %
1.	"Mlijekoprodukt" d.o.o. Kozarska Dubica	(..)* ⁴	(..)*	(..)*	(..)*	(..)*	(..)*	(..)*	(..)*
2.	"Natura-Vita" d.o.o. Blatnica-Teslić	(..)*	(..)*	(..)*	(..)*	(..)*	(..)*	(..)*	(..)*
3.	Meggle-Bihać	(..)*	(..)*	(..)*	(..)*	(..)*	(..)*	(..)*	(..)*
4.	Imner-Gradačac	(..)*	(..)*	**	**	(..)*	(..)*	**	**
5.	PPM Tuzla	(..)*	(..)*	(..)*	(..)*	**	**	**	**
6.	Milkos-Sarajevo	(..)*	(..)*	(..)*	(..)*	(..)*	(..)*	**	**
7.	ZIM- Zenica	**	**	(..)*	(..)*	**	**	(..)*	(..)*
8.	"East Milk" d.o.o. Sarajevo	*	*	*	*	*	*	*	*
9.	"Mljekara" a.d. Aleksandrovac	*	*	*	*	*	*	*	*
10.	Ostali	(..)*	(..)*	(..)*	(..)*	(..)*	(..)*	(..)*	(..)*
	Ukupno BiH	131.326,18	100,00	32.434,60	100,00	13.968,80	100,00	4.788,40	100,00
	Ukupno (učesnici koncentracije 1+2)	(..)*	(..)*	(..)*	(..)*	(..)*	(..)*	(..)*	(..)*

Izvor: podaci iz Prijave - (MEMRB) - (Milkprocessing d.o.o. konsalting i inženjering u stočarstvu i mljekarstvu Sarajevo, Zagrebačka 31); *nema proizvodnje mlijeka i mliječnih proizvoda (prihod ostvaren drugim djelatnostima /zakupom poslovnog prostora; ** količine proizvodnje u kategoriji - ostali

Ukupna proizvodnja mlijeka i mliječnih proizvoda u Bosni i Hercegovini u 2011. godine:

Tabela 4.

R.b.	Privredni subjekt	Mlijeko i mliječni proizvodi	
		Količina (000) lit.	Udio%
1.	"Mlijekoprodukt" d.o.o. Kozarska Dubica	(..)*	(..)*
2.	"Natura-Vita" d.o.o. Blatnica-Teslić	(..)*	(..)*
3.	Meggle-Bihać	(..)*	(..)*
4.	Imner-Gradačac	(..)*	(..)*
5.	PPM Tuzla	(..)*	(..)*
6.	Milkos-Sarajevo	(..)*	(..)*
7.	ZIM -Zenica	(..)*	(..)*
8.	"East Milk" d.o.o. Sarajevo	*	*
9.	"Mljekara" a.d. Aleksandrovac	*	*
10.	Ostali	(..)*	(..)*
	Ukupno BiH	182.517,98	100,00
	Ukupno (učesnici koncentracije 1+2)	(..)*	(..)*

Izvor: podaci iz Prijave - (MEMRB) - (Milkprocessing d.o.o. konsalting i inženjering u stočarstvu i mljekarstvu Sarajevo, Zagrebačka 31); *nema proizvodnje mlijeka i mliječnih proizvoda (prihod ostvaren drugim djelatnostima /zakupom poslovnog prostora

⁴ (..)*- Podaci predstavljaju poslovnu tajnu

Ukupna potrošnja mlijeka (UHT sterilizirano i pasteurizirano mlijeko) i mliječni proizvodi (jogurt i napitci; pavlaka i proizvodi na bazi pavlake; svježi i slični sirevi) u 2011. godini:

Tabela 5.

R.b.	Privredni subjekt	Mlijeko		Jogurt i napitci		Pavlaka i proizvodi		Syježi sirevi	
		Količina (000) lit.	Udio %	Količina (000) lit.	Udio %	Količina (000) lit.	Udio %	Količina (000) lit.	Udio %
1.	"Mlijekoprodukt" d.o.o. Kozarska Dubica	(..)* ⁵	(..)*	(..)*	(..)*	(..)*	(..)*	(..)*	(..)*
2.	"Natura-Vita" d.o.o. Blatnica-Teslić	(..)*	(..)*	(..)*	(..)*	(..)*	(..)*	(..)*	(..)*
3.	Meggle-Bihać	(..)*	(..)*	(..)*	(..)*	(..)*	(..)*	(..)*	(..)*
4.	Imner-Gradačac	(..)*	(..)*	**	**	(..)*	(..)*	**	**
5.	Milkos-Sarajevo	(..)*	(..)*	(..)*	(..)*	(..)*	(..)*	**	**
6.	ZIM -Zenica	**	**	(..)*	(..)*	**	**	(..)*	(..)*
7.	PPM Tuzla	(..)*	(..)*	(..)*	(..)*	**	**	**	**
8.	"East Milk" d.o.o. Sarajevo	*	*	*	*	*	*	*	*
9.	"Mljekara" a.d. Aleksandrovac	*	*	*	*	*	*	*	*
10.	Ostali	(..)*	(..)*	(..)*	(..)*	(..)*	(..)*	(..)*	(..)*
11.	Uvoz	(..)*	(..)*	(..)*	(..)*	(..)*	(..)*	(..)*	(..)*
	Ukupno BiH	105.020,48	100,0	44.366,1	100,00	18.413,1	100,00	4.542,9	100,00
	Ukupno (učesnici koncentracije 1+2)	(..)*	(..)*	(..)*	(..)*	(..)*	(..)*	(..)*	(..)*

Izvor: podaci iz Prijave - (MEMRB) - (Milkprocessing d.o.o. konsalting i inženjering u stočarstvu i mljekarstvu Sarajevo, Zagrebačka 31); *nema proizvodnje mlijeka i mliječnih proizvoda (prihod ostvaren drugim djelatnostima /zakupom poslovnog prostora; ** količine proizvodnje u kategoriji - ostali

Ukupna potrošnja mlijeka i mliječnih proizvoda u Bosni i Hercegovini u 2011. godine:

Tabela 6.

R.b.	Privredni subjekt	Mlijeko i mliječni proizvodi	
		Količina (000) lit.	Udio%
1.	"Mlijekoprodukt" d.o.o. Kozarska Dubica	(..)*	(..)*
2.	"Natura-Vita" d.o.o. Blatnica-Teslić	(..)*	(..)*
3.	Meggle-Bihać	(..)*	(..)*
4.	Milkos-Sarajevo	(..)*	(..)*
5.	Imner-Gradačac	(..)*	(..)*
6.	PPM Tuzla	(..)*	(..)*
7.	ZIM -Zenica	(..)*	(..)*
8.	"East Milk" d.o.o. Sarajevo	**	**
9.	"Mljekara" a.d. Aleksandrovac	**	**
10.	Ostali	(..)*	(..)*
11.	Uvoz	(..)*	(..)*
	Ukupno BiH	172.342,58	100,00
	Ukupno (učesnici koncentracije 1+2)	(..)*	(..)*

Izvor: podaci iz Prijave - (MEMRB) - (Milkprocessing d.o.o. konsalting i inženjering u stočarstvu i mljekarstvu Sarajevo, Zagrebačka 31); *nema proizvodnje mlijeka i mliječnih proizvoda (prihod ostvaren drugim djelatnostima /zakupom poslovnog prostora

⁵ (..)*- Podaci predstavljaju poslovnu tajnu

Na osnovu analize podataka (tabele 3 do 6) proizvodnje mlijeka i mliječnih proizvoda u Bosni i Hercegovini, Konkurencijsko vijeće je utvrdilo da će tržišni udio učesnika koncentracije (i njihovih povezanih društava bez privrednog subjekta "East Milk" d.o.o. Sarajevo i privrednog subjekta "Mljekara" a.d. Aleksandrovac, koji prema podacima iz Prijave ne djeluju na relevantnom tržištu u 2011. godini i 2012. godini) nakon provedene koncentracije biti (..)*⁶%, dok će na tržištu distribucije (prodaje) mlijeka i mliječnih proizvoda u Bosni i Hercegovini tržišni udio biti (..)*%.

Konkurencijsko vijeće je utvrdilo da postoji značajna konkurencija na relevantnom tržištu Bosne i Hercegovine, prije svega privrednog subjekta Meggle mljekara d.o.o., Grabeška 34, 77000 Bihać, privrednog subjekta Milkos d.d. Mostarsko raskršće bb, 71240 Hadžići, Sarajevo, privrednog subjekta Imner d.o.o. Gračanica, Željeznička b.b. 76250 Gradačac (povezano društvo privrednog subjekta Dukat mliječna industrija d.d., Marijana Čavića 9, 10000 Zagreb, Republika Hrvatska), privrednog subjekta PPM d.d. Tuzla, Mitra Trifunovića Uče 125, 75000 Tuzla (povezano društvo privrednog subjekta Ljubljanska mljekara d.d. Ljubljana).

U analizi tržišnih udjela za privredni subjekt "Natura-Milk" d.o.o. Slatina-Teslić, uzeti su tržišni udjeli privrednog subjekta "Natura-Vita" d.o.o. Blatnica-Teslić, obzirom da provođenjem ove koncentracije u skladu s odredbama zaključenog Ugovora, proizvodne kapacitete (time i tržišne udjele) preuzima privredni subjekt "Natura-Milk" d.o.o. Slatina-Teslić.

7. Ocjena koncentracije

Konkurencijsko vijeće analizom relevantnih podataka, u smislu člana 17. Zakona, je ocijenilo da će se provođenjem predmetne koncentracije povećati tržišni udio na relevantnom tržištu proizvodnje i distribucije mlijeka, mliječnih proizvoda, ali neće doći do stvaranja i jačanja dominantnog položaja.

Konkurencijsko vijeće je prilikom donošenja konačne odluke uzelo u obzir i ulaganja Podnosioca prijave u modernizaciju i razvijanje objekata za proizvodnju.

Ulaganja će donijeti neposredne pogodnosti za dobavljače mlijeka, kao i za korisnike proizvoda (krajnje potrošače):

- ekonomičniju i efikasniju prodaju i distribuciju, čime će se smanjiti troškovi distribucije i povećati dostupnost svih proizvoda na relevantnom tržištu;
- uvođenje novih proizvoda što će povećati mogućnost izbora proizvoda i usluga za potrošača;
- stabilnost u ponudi, odnosno neometano snadbijevanje potrošača željenim proizvodima;
- poboljšanje kvaliteta usluga ostvareno kroz uvođenje međunarodnih i kompanijskih standarda poslovanja;
- rekonstrukcija laboratorije koja ima za posljedicu bolje uslove za rad, obavljanje kvalitetnijih analiza i poboljšanje kvaliteta proizvoda;
- povećanje otkupa sirovog mlijeka što će rezultirati sigurnošću za farmere kao i mogućnošću povećanja stočnog fonda što će uticati na proizvodnju sirovog mlijeka.

Konkurencijsko vijeće je takođe ocijenilo da na relevantnom tržištu ne postoje pravne/administrativne barijere za ulazak na tržište, tako da učesnici koncentracije ni nakon provođenja koncentracije ne bi mogli da se u značajnoj mjeri ponašaju neovisno od stvarnih ili potencijalnih konkurenata.

⁶ (..)*- Podaci predstavljaju poslovnu tajnu

Slijedom navedenog, Konkurencijsko vijeće je ocijenilo dopuštenom predmetnu koncentraciju, u smislu člana 18. stav (2) tačka a) Zakona.

8. Administrativna taksa

Podnosilac prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Rješenja.

Predsjednik

Ibrica Lakišić